

Na osnovu člana 89. stav 3) Zakona o javnim nabavkama Bosne i Hercegovine („Službeni glasnik“ broj 39/14), a nakon provedenog postupka nabavke putem konkurentskog zahtjeva za dostavu ponuda, zaključuje se

UGOVOR O PRUŽANJU IKT USLUGA- LOT 3

Između:

1. **Elektrotehničkog fakulteta u Sarajevu**, sa sjedištem na adresi Zmaja od Bosne bb Sarajevo, ID broj: 4200304450006, koga zastupa dekan prof.dr Samim (Malić) Konjicija, (u daljem tekstu: Ugovorni organ)

i

2. **“Logosoft” d.o.o. Sarajevo**, sa sjedištem na adresi Igmanska 9., koga zastupa direktor Damir Dizdarević (u daljem tekstu: Ponudač), *izvršni direktor za finansije Zana Dubravica*

Član 1.

Ovim Ugovorom ugovorne strane su se sporazumjele da će Ponudač, tokom cijelog ugovorenog perioda pružati usluge fiksne telefonije putem VOIP za potrebe Elektrotehničkog fakulteta u Sarajevu.

Ukupna cijena ponude iznosi 598,00 KM (petstotinadevedesetosam) bez PDV-a mjesečno.

Ugovoreni iznos će se plaćati kod odgovarajuće banke u Bosni i Hercegovini, u roku od 15 dana od dana dostave fakture.

Sastavni dio ovog Ugovora je Ponuda Ponudača br. 12-2649/18 od 09.07.2018. godine, sačinjena prema Obrascu za cijenu ponude, sa navedenim tehničkim elementima usluga, količinama i jediničnim cijenama istih.

Član 2.

Ugovorni organ naručuje predmetne usluge, a Ponudač prihvata da vrši pružanje usluga bežičnog pristupa Internetu za potrebe Elektrotehničkog fakulteta u Sarajevu, u ugovorenom periodu, na osnovu provedenog postupka javne nabavke (Obavještenje sa portala javnih nabavki broj: 5714-7-2-20-3-4/18, Ispravka obavještenja o nabavci broj: 5714-7-2-20-8-5/18) putem konkurentskog zahtjeva i odluke Ugovornog organa o izboru najpovoljnijeg Ponudača za LOT 3 (broj: 12-3002/18 od 29.08.2018. godine).

Član 3.

Ugovorni organ i Ponudač su saglasni da Ugovor realizuju prema već definisanim uslovima u tenderskoj dokumentaciji i dostavljenoj ponudi.

Član 4.

U slučaju neispunjavanja ugovornih obaveza Ponudača, Ugovorni organ zadržava pravo djelimičnog ili potpunog raskida Ugovora.

Član 5.

Ponudač se obavezuje da će u skladu sa odredbama ovog Ugovora redovno pružati usluge za Ugovorni organ. Mjesto isporuke predmetnih usluga ugovora je adresa Elektrotehničkog fakulteta u Sarajevu - Zmaja od Bosne bb.

Član 6.

Ponudač se obavezuje na nepromjenljivost ponuđenih cijena tokom cijelog ugovornog perioda.

Član 7.

Ponudač se obavezuje da će usluge izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene usluge. Ugovorni organ je dužan da dostavi pismeno obavještenje o svakom navodnom propustu Ponudača po ovom Ugovoru. Ugovorni organ će utvrditi razuman rok za ispravku propusta Ponudača u smislu izvršene nabavke.

Član 8.

Ponudaču usluga se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, nadležna za dodjelu ovog Ugovora, najmanje šest mjeseci po zaključenju istog.

Član 9.

U slučaju eventualnih primjedbi Ugovornog organa na kvalitet i količinu izvršenih usluga, Ugovor se može djelimično ili potpuno raskinuti i prije njegovog isteka, uz prethodno izmirenje obaveza utvrđenih po osnovu ovog Ugovora koje su do tada nastale.

Član 10.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, odlučuje stvarno nadležan sud prema sjedištu ugovornog organa.

Član 11.

Svaka od ugovornih strana može otkazati ovaj Ugovor, pismenim putem, uz otkazni rok od 15 (petnaest) dana iz razloga propisanih Zakonom o obligacionim odnosima.

Član 12.

Na sva ostala prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

Član 13.

Ovaj Ugovor zaključuje se na određeno vrijeme, tj. do kraja kalendarske 2018.godine, a stupa na snagu danom potpisivanja obje ugovorne strane.

Član 14.

Ovaj Ugovor je sačinjen u 4 (četiri) istovjetna primjerka, od čega svaka ugovorna strana zadržava po 2 (dva) primjerka, za svoje potrebe.

Ponudač

Direktor Damir Dizdarević
izvršni direktor za finansije
Zora Čubrilević

Broj: 024-03-PA 16
Datum: 17.09.2018.

Ugovorni organ

Dekan prof. dr Samim Konjicija

Broj: 12-324718
Datum: 13.09.2018